



臨野堂詩集卷六

吳江鈕 琇玉樵著

居項胥鈔上

九日同署中諸子登準提閣分賦

秋原四望遠蒼蒼古寺雲開見夕陽地入大梁多
逸老城依古項近巖疆聽松未覺微官俗對菊遙
憐舊逕荒極日天南親舍在一人獨少佩茱囊

題宐園畱贈鮦陽劉石友

曲逕重門繞薜蘿山城幽處卽槃阿評花得夢迷
蝴蝶種樹成文笑橐駝苔破碧錢遊屐滿羹貽錦

帶客厨多相逢不厭頻來往仍擬春深載酒過

夏日再過宜園遇潁上劉元歎進士話舊卽

用畱題原韻

名園新綠滿烟蘿暫借平輿一曲阿薄宦風塵隨
野馬故人書札滯明馳乍逢始訝幽居近相見翻
憐別思多舊雨杏花回首處長安十載夢中過

寓項言懷四首

婁堤新綠漾高丘月榭風亭憶舊遊問字客多無
酒債分題人遠是詩郵清談暮屏孤山騎放跡晨
追甫里舟轉眼皆成苦土淚不堪身似一萍浮

松風入夢起徘徊一片閒情只愛才解榻曾從花

下設行厨屢向雪中開累人事未聞安邑得士心
猶識澹臺不道素車來束皙相逢流涕補南陔

室無儲粟體無襦滿眼看如鄭俠圖釜豆豈能遲
發廩車牛誰復競輸租政成下考纔知拙身到難
謀始信迂贏得昔年扶杖者白衣相送滿城隅

匏繫荒陬二載餘蓼莪三復歲將除九原痛欲從
先子八口貧難返故廬莫問他時舟鎮石渾看此
日釜生魚淒其隻影依慈母何日經營御板輿

竹林草堂歌贈趙客林

旅人寄身如一葉春盡無能具歸楫萋萋草色遠
於天芳林鶯語時相接天水公子性絕奇不樂已
樂悲人悲折柬致我草堂內凡我所好恒先知玲
瓏石自袖中出茗芋尊從席上移床書竈藥無不
有濡翰日餽青隄麋草堂之勝冠此邑高亭翼然
眼前立雨欄芍藥露井桃開向新晴紅曉溼午窓
四豁來清風能使百花香盡入披襟當此復何求
鄉思中發翻百憂元亮五斗已辭去少陵十金仍
難謀有時攜枕到孤榻卧看畫障林泉幽安得移
身置此地直取歸路滄江頭

沙河雜咏十首

右序

河流上納激水下走潁川至沈項間多沙善激
土人稱爲沙河河之干則師氏砦而聚族焉其
地去項署六十里而遙余居憂辭秩將取道以
南盡室寓此而歸楫不具因循踰歲陟歷冬夏
俯仰景物藉抒所懷韻爲十律潘安仁閒居之
樂雖悔奚追陸平原羈宦之悲有懷曷極矣

熒熒移旅跡黯黯向荒村十室人同井千章木繞
門忽驚新節序猶隔舊鄉園幸得林塘主艱辛與
共論

入牆唯櫟柳上架有蒲萄小海疏泉曲危樓疊石
高交觥知禮吉祀碓見農勞嘆息攜諸弟茲堪寄
汝曹

步屨川原永扶藜眺望賒爭巢鳥落樹議路犢還
家烟色歸新柳湖光動晚霞看春非昔日淚濺滿
林花

寒食天桃放芽茨傍碧流衝波移岸觜擁沫定沙
頭浣女青紗罩漁翁白板舟吾生同逝水能不感
行休

又魚乘小筏撲麥到孤亭野渡昏懸雨原田輓帶

星鴨行呼自應牛卧叱能聽羣牧參差夢槐風撼
不醒

霜天一雁遙農事劇昏朝築土成卑室編茅架短
橋俛歌袍繡落硯舞髻花搖社飲人多醉閱看破
寂寥

樹色帶斜陽清颼滿石梁木綿花點白火柿實垂
黃錫市簫聲遠柴車鐸韻長遙憐荒塚上兩兩下
牛羊

地僻如空谷楚音幸未疎龍鬚涼簟薤鹿角爽盤
蔬餽粟來耆叟鈔書得舊胥獨慙京國友千里惠

雙魚

出門觀物役勞息竟誰能獵犬隨營騎齋鴉伺廟
僧三竿蒸棗日四壁紡麻燈只有悽悽客終朝廢
寢興
亦知斯土美暫息故園恩香入蜂衙早涼生燕壘
遲膏櫻珠滿甕酪杏雪流匙終遜柴桑里歸來著
有辭

呂家潭舟中遇雨

河橋雲晚黑寒雨入深更岸火明微影村春落遠
聲隨風侵幔密着水跳珠輕併與愁人淚終宵枕

上傾

準提閣

春太客未歸夏來日初永端憂亦多暇所幸塵事
屏散襟步夕陽登閣得遙景俯視盈百室縱橫列
市井豈知水一方別立人天境烟圍柳色新岸界
波光靜落霞生空明羣象入泡影始念濁世浮徒
慙道力猛蕭然素髮僧相對若意領吾生獨何爲
於此悲飄梗

造字篇

雲漢倬昭明山川莽回互高卑陳兩間顯道無終

錮亦越古庖義始闢奇偶數再傳歷熊皇圖書乃
悉具維時左史官鳥跡發神悟混沌若然開能不
天粟雨至今蝌蚪文誕向方策布後來籀斯徒體
製變已屢形模雖漸工點畫半紕誤蒐岐石鼓存
遷轉恐非故何以太學碑爭觀猶堵聚人閱世日
殊祖述在竹素六義不復求瑣焉競針露草亭伏
吃儒金輪啟妖嫗立奇由師心適俾青史污奈何
元豐老監說益牴牾太空昔茫茫羣動理各寓茹
飲無所營吁喞不自喻緬維書契興如置木中蠹
耳目一發皇安得尚瘖痼誓誥生畔疑作者亦已

懼天下今同文賢愚共陶鑄上有垂衣裳下無違
律度奚煩更結繩正直遵王路

題汴梁高氏小園

不須泉石與烟霞徑柳軒松整復斜瘦馬來時曾
識路匡床安處卽成家鼓吹永夜聞蛙部榮瘁終
朝看槿花五入大梁三易歲宦雲愁海總無涯

鄭氏園中白兔甚馴愛而賦之

素質渾如琢玉成閱看日日繞階行居忘營窟心
原潔出兔嬰羅體自輕已近雪園依勝地無勞銀
管寄微名他時若逐姮娥去畱與人間杵藥聲

重遊宛丘逸園有感

綠陰滿地燕雛新照眼梅花憶往春莫怪林泉今
易主同遊無復去年人

秋雨歎和杜少陵韻

羲和投鞭白日死滿堂水衣蒼色鮮灘聲潺湲入
愁耳更驚斛麥須千錢東風蕭蕭吹雨急茅茨數
點波間立菽沈禾爛不可收舟居嫠婦中宵泣
市人喧語何紛紛防河府帖來如雲三百河夫點
行迫慘淡骨肉須臾分陰霾彌天白晝黑荷鍤河
干不暫息寄言貧人已無食賣兒街頭莫論值

大霖六司指可數城中十室九無堵去年年豐時
亦和何事今秋獨淫雨雨狂警滅草堂寒行厨薪
溼晨炊難聞道長安久赤地弘主拜雷溪流乾

哭趙客林二首

客踪飄寄似浮雲割宅論交獨有君四海正思兄
弟合百年竟作死生分園林向後誰仍到歌舞從
今不更聞擬覓吳中秋水鏤他時和淚挂孤墳
藥裹猶傳術有靈雲車孰道夢難醒遺孤可托惟
三尺盡室無依尚百丁柳下雨荒新徑鍛竹中烟
冷舊厨鯖傷心最是同遊地寂寞南園一草亭

遣意

久陰晴自好旭日滿柴荆老樹懸秋色高雲落雁聲
氣雄貧若失心潔宦無成忽覺歸思動鄰家急杵鳴

宛丘道中

騎出漚麻池風清太昊祠草衰平地迴雲溼遠天垂
農事乘秋急征途入夜危前林聞鶴語似訝客歸遲

確山道中

纔踰深谷又高岡落木蕭蕭去路長澗動日紋衣

穀細田分水界奕枰方時時定馬危橋斷處處迷人
曲逕荒薄暮好投山店宿亂峰橫紫看斜陽

雙山夜宿

孤村驚客到羣岫已如迎黍釀寒漿出梁炊晚飯
成小窓延月影高枕過泉聲十載看山意今宵得盡傾

次唐縣

天封雲外古遺墟駐馬遙看夕照餘平野勢趨秋塔
迴高城響度晚鐘疎侵簾草沒仙人谷入洞林荒孝子廬
只有翠微峰數點至今人說卧龍居

雉

揚翹當淺渚翳彩卽深蘿介性人憐少華文世用
多莫言充夏翟還恐悞虞羅乘逐高鴻去冥冥奈
爾何

舞陽山行

山行忘路僻侵曉渡霜汀燒遠寒岡黑冰深古澗
青石懸崖欲墜樹走葉無停竟日人行少樵歌偶
一聽

長至日贈郭商水舒霞

判書多暇擁琴床圭影初看弱線長月映雙溪新

水合雲連萬木古臺荒吏人雅乞籠鶯帖田父閒
輸飼鶴糧春到欲占花縣信官梅東閣已聞香

文石里柴叟夜話有述

明霞橫遠天西日墮馬首投宿邛茅茨入門遇老
叟欣然龐眉開置杖捉我肘移坐就繩床挑燈向
圭牖呼兒出盤餐濁醪酌盈缶自言少壯時力猛
過貢黜箭發餓鴟鳴強弩長在手縱橫百戰餘勢
失關隴右生無封侯骨那取印如斗脫身歸里居
寂寞成老醜幸為盛世民殘年寄南畝聞昔魯聖
人高賢從其後此地忽迷津致詢及耕耦通川今

已堙亘野但寒臯無論沮溺徒聖賢兩鳥有借問
客何爲長途事奔走勞勞車馬間尚見古人否日
馭不可追且盡尊前酒聽茲慷慨詞感我行役又
逝將適舊鄉江潭賦衰柳

呈林澹亭學憲

仙掌凌霄不可攀翠微飛處與心閑探幽月到涵
江院汲古雲開夾漈山朱火案螢寒獨照碧絲窓
草靜相關著書欲問當時業盡在松鱗歲月間
都下喧傳絕妙詞曲江春滿杏花時十年競說研
三賦千絹纔聞購一碑鳳閣仙才翰額錦雞林蠻

國費隄廩卽今戚里笙歌席猶乞新聲教雪兒
漆簡琴絲探魯宮雙旌遙指又天中衰文獨起昌
黎氏博籍羣稱司馬公狂障百川曾到海秀環四
嶽復登嵩清音幾度求山水採得周南第一風
卿月詩星冠八閩京華羈旅夢相親每攜白雪吟
高曲未附青雲謁後塵艷日芙蓉驚照世芳洲鸚
鵡望依人織成若借龍梭字尚擬銀河一問津

臨野堂詩集卷六終

臨野堂詩集卷六

臨野堂詩集卷六
居項胥鈔下
吳江鈕
琇玉樵著

臨野堂詩集卷七

居項胥鈔下

述哀

悲風震嚴冬蓬轉無定姿豈不戀其根飄搖難自
持孑孑苦塊客哀哀蓼莪詩號泣稱鮮民安用有
生為嗟余本弱植獨立寡連枝出侍嚴君席入依
慈母帷小孺初被體嬉戲不暫離六齡就鄉塾九
齡擇明師笈書或遠負袖橘仍獨攜十五弄柔翰
頗工雕蟲詞從遊騷雅壇漸違定省儀三十充國

賓翱翔步雲達縱談天下士臭味多差池酒壚得
高潘結交過墳窟非乏傾蓋樂益深倚閭悲頻年
書大無罄室懸湖濬病婦咽糠粃嬌兒啼恒飢黽
勉具菽水色養寧無虧遠夢寄高堂中宵魂九移
雲霄有詞伯援手起數奇分符得古項勵節振荒
疲稍舒致親願骨肉聚於斯夙夜念所生心恐玷
素絲結埃或滿甌天樂坐相怡月鈔割烏翎愈用
安貧卑詎謂懷謹潔非以祛阽危嗚呼兩大人天
不一愁遺先後邁虐厲痛逝歲甫暮摧肝奠旅楹
寒燈颯淒其此土爲異鄉安神懼非宐黯黹簡中

字我父口所貽襤褸衣上線我母手所治昔年觀
丹顏長跼歌介着今欲追重泉杳杳將安之紫誥
佇迴鸞莫伸烏鳥私吾聞鼓刀者許身固有時市
隱進甘脆黃金義所麾何爲守一官不如屠沽兒
誓將委簪紱負土歸茅茨心儀古毛生終焉酬永
思

泣柳詞

宣防之策也天子令羣臣從官皆躬自負薪用
填決河今易以柳而盡取諸民飛檄無虛歲許
衛陳鄭間郊原且濯濯矣春入銅陽髡餘殘碧

若遮馬首欲訴者嗟乎樹猶如此人何以堪愴
懷綴詞因題曰泣柳云

麥浪浮空燕舞遲最憐搖曳午風時長條折盡何
人手二月河干喚賣絲

零落渾如秋暮天灑衣初不見晴綿一鉤月挂荒
郊冷青眼何時得穩眠

殿啟靈和曉夢柔曾傳鶯囀在皇州只今無復風
流態一點着藏萬姓愁

高舸連雲束翠銷恨同人去五湖遙輕盈未許黃
金贖春恨桃花葬舞腰

春歸

客裏逢春久春歸客獨知風簾雙燕盡雨豔百花
垂事少看書雜愁多得夢奇萍漂隨節序空惜日
遲遲

端陽前一日何二尹桂存齋中話舊

風軒獨樹淨無塵雨過涼生几榻新佳節十年三
異地故園千里一羈人思繁陳土歸難定聲近吳
趨語倍親歲歲葵榴紅刺眼不堪飄泊淚盈巾

午日憶兩先大人

三年貧宦一羈孤事事傷心淚欲枯空說五絲爲

綵線難求九節是菖蒲黃金孰鑄田公子綠水終
沈屈大夫總有雙親泉下路可能重進酒尊無

長夏寓竹林草堂晝夢故友沈建芳誦我新
詩因追憶草堂主人感而爲歌

草堂赤日猛於火袒跣揮汗走無所冥然一枕御
炎風千里山川破重阻忽從故鄉見故人展卷誦
我詩句新碧窓烏几坐相對瘦腰彷彿生前身鳥
語啁嘈驚已寤古槐午影移庭樹此堂亦是故人
居故人何在居如故人生有情不可孤後者未來
前者徂日日能爲今夢無嗚呼日日能爲今夢無

暑晝

日永閒愁集風微溽暑加渴催清腋茗涼待鎮心
瓜接蟻封牆草懸蛛網砌花數竿叢竹好碧影看
差斜

暑夜

暑盛恒無寐宵深亦漸幽叱牛農在野鳴柝吏當
樓竹露分珠落莎螢帶火流曉涼知可待微響出
林丘

村晚納涼

蟬吟獨樹送斜暉坐待新涼啟夕扉雲氣欲秋容

漸薄風聲當暑力
偏微秫收初熟他鄉酒
砧動仍拈去歲衣
何日重尋銷夏處
五湖高挂一帆歸

一葉

一葉梧桐下夕蹊
鳴機聲斷畫堂西
篋中拈得慈親線
不忍秋聽絡緯啼

雨

渠流朝忽滿
簷響夕偏稠
灘急沙頽岸
雲低市隱樓
傍階鳧浴喜
穿壁雀棲幽
又客愁無似
歸心阻一舟

雨後黃子輔公過訪見贈有野人瓜果隨時

獻董子清廉信口歌之句讀之也
臨卽八韻酬之

秋村雲冷閉門多
步履猶逢客一過
自歎蓼莪終廢讀
那知襦袴尚成歌
徑泥活活桐陰沒
簷溜丁丁竹響和
旅坐幸來同舊雨
細論詩律到陰何

兔園

綠綺聲中見鳳凰
鳳凰空攜彩筆賦
遊梁一生知己臨
邛令未信憐才是
孝王

吹臺

一逕秋烟絡古藤
酣歌李杜昔來登
千秋不必重

吹律畱得荒臺閱廢興

獨客

庭空落葉喧雪色照寒軒閣倚吟僧老街行醉尉
尊鴉歸鐘數點鴻語月千門獨客愁兼病相看燭
燼繁

春仲下浣訪汝陽使君丘象屏雨卧旅舍夢
至楓江舊居點筆爲看春賦有云春風杜若
舟迴曲水之香夜雨梨花人醒重門之夢賦
未成而寤口占二絕句以紀其事

一片高城鎖碧雲市橋燈火夜紛紛欲知賢宰周
南化卧聽歌聲出汝濱
風雨他鄉寄此身最憐孤館落花晨二千里外愁
人夢猶說江南舊日春

雨寓感春

鎮日蘭塘滯客驄凝陰不斷酒帘風蜉蝣零亂麻
衣白楮拙銷沈粟火紅艸長謝池吟筆冷花殘蕭
寺講臺空一年春事知多少盡付東郊雨色中

贈汝陽王司訓禹儉

千載清淮傳舊裔風流海內爾猶存縹緲業富經
爲筍蒼叢情閱酒在尊柏子夜香頻墮席杏花春

好一開門謁來不厭扶藜客竟夕談如玉露繁
自汝南入武津有述

汝上一峯晴天中露遙碧攬轡歷逶迤鬱襟開修
陌草畦土脉蘇杏屋烟光積春作有餘闕污萊亦
已闢行行入武津乍見城闌夕樓倚吹笛聲戶延
橫經席當年院孔地今通絃歌籍泯泯龜流清蕭
蕭蒼影坼披雲覓卦臺髣髴畱義畫俯仰聖教同
千秋沐餘澤斯人性不殊因世異從革慎德蓋仲
愆怙元頌元逆馴俗在揆文宐端守上策邈然生
古懷三歎問遺蹟

重過鄆城

昔歲經過文石里今來又值艷陽時穠花態好年
光速纖草情多客路遲烟徑不迷曾宿騎雨牆猶
憶舊題詩只看隴首垂垂綠繫得芳春是柳絲

杏花獨樹曲

寒雲初散日載陽馬蹄細踏飛塵香一株輕紅吐
春艷歷亂臙脂照路旁由來此樹稱仙杏玉蕤金
薤差堪並曾入桃源拂釣痕亦從梅殿分妝影有
時錦覆講壇陰更剪明霞綴上林百年澗壑苔衣
古十里亭臺鶯語深可憐獨向芬菲裏浥露搖烟

情不已失地疑成當戶蘭漫山羞學蟠根李風風
雨雨總無時頻落頻開在故枝自昔孤芳難共賞
試問東君知未知

臨穎道中

春雲拂柳淡如無渺渺晴原夕照孤地過召陵遙
入楚天連淮水直通吳緋衣功說裴丞相白馬盟
成管大夫千載是非曾莫定幾行碑字沒平蕪
青疇彌望驛亭西往代馴龍地已迷曲水路依官
柳直高烟村出女牆低童鳶不惜風千尺農犢初
忙雨一犁便擬此間成小築野名重把穎濱題

三月三日行次鄆陵

芳期臨上巳藉草更誰同交冷官閒後途長客悶
中報程籤不定得句筭無空問俗懷純孝荒祠謁
穎公

許鄭之間遇有黑犬相隨甚驍且馴收而畜
之名曰黑子

遙思鄭叔于田日忽遇重鑲古鄭墟千里從猶添
健僕五更守不離寒廬官貧已散依田客家遠誰
傳入雒書錫爾嘉名爲黑子春花秋雨伴相如入
遊鄆陵乾明寺與老僧瑞光茗話

夕陽開古寺暫此息塵鑣
培立危基迴門延麗景
饒崇墉爭巖業傑閣俯迢遙
金刹圍丹壁珠宮入絳霄
三車儲秘典八水陰靈苗
階語慈鴉近簷棲怖鴿調
翠欹前代柏紅發去年桃
如雨花頻散無風柳獨搖
妙香聞靜晝清磬醒中宵
瓔珞紛瑤座罽毼隱繡幃
詎聞龍象泣應見鬼神朝
別有祇園小兼無濁世囂
叢叢分芍藥束束展芭蕉
月榭鋪重甍雲牕網薄綃
昧僧垂素髮揖客對青袍
自敘經離亂斯林已寂寥
因飛殊土錫遂挂故山瓢
負杖看吳月浮蘆渡浙潮
驚心桑海變彈指劫灰銷

回向求初地
皈依識舊寮
目難容瓦礫
手直刈蓬蒿
積漸功能永
推遷理自昭
以茲開淨域
仍復建高標
接席談彌久
烹茶坐屢邀
所言何得得
吾意亦超超
忽覺風生腋
真嫌吏折腰
浮生原早悟
樂國尚同招
愧不乘駒隙
相從寄梗漂

宛丘馬上口占

風塵匹馬負芳期
古道斜陽攬轡遲
歷國遠慙吳季子
好賢深憶鄭當時
一年花柳供行役
百代關河起夢思
幾度入陳春色晚
東門新碧又盈池

文灘旅夜

村流繞屋響淙淙夜色冥濛上短牕酒後問愁纔
失半燈前對影恰成雙浸莎水淺喧羣蛤觸樹風
多吠獨龙不道此身猶客舍夢隨花月到春江

題贈黃子載公幽居

近野幽居好春濃碧滿林鶯花無媚態泉石有閒
心才老吟詩健家貧愛客深憐余萍跡冷片暇卽
相尋

鶯兒

弱羽眠莎小豐毛泛水輕綠非輸繡鴨黃已勝歌
鶯未得臨池換猶須入籠行興移堪坐對松篁酒

初成

秣陵八詠

準提閣

爲政宜觀水緣堤到梵林清如波底月不獨照禪
心

光武城

南頓啟真人荒城有遺址秋草何芊芊日登牧羊
子

高丘

上方鳴早鐘清響松間落遠度石梁風隔林醒棲

鵲

婁隄

兩水夾春隄碧光一何永俯橋視浮魚吹動羣虹影

金鷄塚

起 野花開復落綴地明如綺啼斷曉鷄聲塚中人不

燕子澗

得 居人戒舟航盤渦勢難測始知急流中進退宜早

鄭湖

雨 負鋤香在衣疑是子真侶湖上飲犢還身沾藕花

柳鎮

歸 柳色依村遠茅茨綠滿扉晚鴉無次第俱帶夕陽

七夕有懷竹林草堂舊遊感賦

步欄涼影月如鉤紅藕花香入早秋恨事不堪佳節過好懷猶向故園求露含珠帳蒲萄結風散燈囊熠燿流畱得畫屏孤夢在閑聽鄰女說牽牛

臨野堂集 卷七
種瓠詞和王鶴洲

傲不忘樹菊愁不忘樹護與世兩非宜抱鉏歸衡
門遙摘危邊宿種之依南垣雨絲引詰曲風葉弄
偏反絲絲復纍纍秋實一何繁臂長已足把腹大
誰堪捫睹茲輪困態猶有古質存終懼明堂薦虧
形剗爲尊亦或千金誤中流失其援無用聖所擇
永願繫丘樊

題宛丘月波寺

城隅藏舊水地小得環流月與招提古波因睥睨
幽僧歸鐘外艇鳥度鏡中樓欲識觀心處茲方靜

可求

酬莫亞夫

短褐論交得孝廉絕倫誰復似公髯憤將詩發窮
愁獨忠以書存正直兼康樂宦歸曾折屐伯休市
隱只垂簾東門池外花深處歲典春衣問酒帘

臨野堂詩集卷七終

臨野堂詩集

吳江鈕 琇玉樵著

端暇遊

湖口權署漫述示尹侍讀

朱夏初臨倦解鞍翠微深處快憑欄亭高不覺千
山小江近能令五月寒醴為穆生常獨設缺非齊
客未須彈齋中何事堪消晝奇石雙鐘縱目看

石鐘山登眺同聲山賦

蒼峯一片大江頭轟石嶙峋擁寺樓絕壁半垂浮
地出驚濤中斷入天流橫戈戰畧封雲嶺叩石遊

踪印月洲祇有匡廬真面目盈簾遠色望中收
合題查聲山仗劍擁書二圖

天涯柳色輕於夢池塘香絮鶯銜送玉臺麗人愁
思凝金隄上客羈魂動手挽純鈎錦帶重欲飛不
飛平津龍青門黃埃高沒馬心憐海曲花落溶溶陸
離長珮論知己滿眼荒雲竟誰是獨將驟裏繫春
風白把芙蓉淬秋水歸去寒塘舊有廬架擁牙籤
十萬書縹緗脂印尖纖粉蒼叢香沾掩冉裾畫師
意在丹青外閱情寫作花無賴三尺能輸慷慨衷
百篇如見倡狂態余也江湖落拓行學書學劍兩

無成可歎身爲折腰吏蒯緱緗帙空縱橫似爾才
同仙骨備未應猶在風塵際指佞終須請上方起
衰寧但窺中秘試問瑤牕執拂姬鏡中一見鬚眉
未

過馬當山

仲夏理扁舟日永江天豁篙師逆崩浪矯若鯨尾
跋瞥眼過小孤蒼然轉雲骨馬當勢逶迤垂岸成
偃月憶昔王子安命途舛不達獻頌干女皇未使
文譽發旅夢朝來此風帆夕飛越至今帝子閣千
載名崒兀道詘鬼物憐才驚頑石活知音世所難

冥理幸無闕吾生亦萍飄敬向青峯謁

彭澤縣卽景

攬轡陶公邑村村布穀啼手樺農運熟肩笛牧歸
齊水脈激猶細山容曠亦低昔賢遺韻在野菊尚
成畦

東流郭外登菊江亭謁靖節先生祠

古郭秋偏早孤亭菊獨傳自慚爲俗吏相對是高
賢雲峻畱虛壁江清見野天肅衣瞻仰後炎晝亦
蕭然

南陵訪王五濤進士山居

松走濤聲出徑通故人家在萬山中一尊偶向今
宵合兩鬢二十舊日同茅粉成羹抄飯白柏林落
實罨燈紅塵勞益覺幽栖好有約重來駐旅驄

重五前二日蕪湖觀競渡

羣龍當午出風湍水戲能開旅客顏時記楚些新
節物地逢晉夢舊湖山蓮塘短棹鴛鴦拍竹檻橫
簫玳瑁斑兩兩畫船歸去後獨畱江月向人閒

句曲道中

四圍山色遠蒼蒼句曲城東驛路荒疎柳夕陽牛
下括輕烟午岸麥登場酒車伊軋穿林杪松架參

差陰市笏眼看陌頭塵不斷幾番飛染客衣黃
初秋同沈竹西訪崑山徐果亭太史留飲培

林堂

竟攜銀筆賦閑居青瑣丹楓夢已疎珠讓兩枝迎
日後麟催一角出雲初課園功止栽高竹觴客談
惟訪異書懷刺更憐漂泊士時時倒屣下階除時

生請假在籍年五十五
初舉一子故有麟催句

題果亭先生耘圃四首用錢飲光韻

屏貴心何曠明農地自偏鱗鋪階蘚石粉墜沼荷
泉種藥泥朝墜鈔書燭夜燃總多塵外境不到鶴

聲邊

觸眼皆蒼雪招攜共入林新笏輕碧瀉舊帖硬黃
臨草縛啼鶯亂花醺夢蝶深有時親抱甕乘興一
披襟

未嫌青墊接常喜白雲遮遠色憑山借清光就月
賒水跳魚散子林蹴燕隨花坐對千年杏疑同獨
樹家

眺周羣塢合步緩曲廊通入席多寒士應門獨老
翁菜看肥夜雨蟲聽絡秋風待結娛賓果霜枝橘
實紅

奉賀憲府徐老師母湯夫人五旬初度四首
峯玉亭亭秀似幢高門棨戟對新江風和柳色扶
丹轂日永梅香點碧牕鶴算百齡纔過半鸞音八
座早成雙宮闈久已師柔順內則欣傳冠帝邦
亞相崇階近九天翟褕分染御爐烟黃封屢給脂
田藥紫禁遙頒粉確錢綵勝樣裁臺下柏銀釭輝
接院中蓮莫言未是仙人窟家在蓬山玉署邊
聞道西池翠節迴麻姑行脯畫筵開客書盛德銀
爲管家序新詞玉是臺述父未忘徐令業撫甥還
見魏舒才傳經更有生徒在爭向紗幘獻壽來

處盛常言儉莫忘不辭澣濯到蓉裳雪鷄語解長
生偈露菊花傳久視方壺範肅雖鍾金郝門風娟
秀謝兼王舞衣何用斑斕綵日日庭過兩鳳凰

贈同年朱輝斗

十載曾蜚入雒名文豪不減舊縱橫依人獨久家
無定逢世猶疎宦未成紅藕莊開書屋矮白鷗波
繫酒船輕貴遊回首多零落莫歎儒冠誤此生

譴鼠

天令晝當陽未遑照陰類義輪偶韜輝跳躑出鼠
輩維彼昏夜間營營計得遂緣高意無危藏深態

亦僞擬將飲河腹所求飽殘膾豈謂窺簡冊忽與
文字懟漸嚙楮生族管城驚失位并竊在笥衣毀
裂極狼戾穿墉佐雀爭憑社矜狐媚毋言物么磨
勢盛吁可畏曠哉秦太倉竄跡入其內得地需一
朝李斯發深喟遺種自茲繁技生日狡獪嗟我幽
人盧簞瓢坐相對寧堪供誅求宰憲破夕寐命童
具爰書堂下行責罪不則呼狸奴尖頭用卽碎

玉鷄堂歌贈徐明府

陽平客舍月夏五火雲垂地色如赭馬躑難逢疏
勒泉燕飛久斷零陵雨南山殷雷繞湖濬驚濤曳

練馳颺輪滂沱接晷未卽止青疇滿目良苗新俄
聞歡聲達城陌爭言此是神君澤棠蔭曾傳昔名
公黍膏復見今郇伯人攜朋酒玉鷄堂躋獻萬壽
稱無疆願將甘澍畱桑野他日爲霖徧天下

白衣庵苦熱書示雲嶽上人

沈沈碧樹靜風聲袒跣禪房絕送迎荷受暑深容
亦倦蚤知秋近語尤清九霄威令行三伏萬戶炎
心息五更此地由來忘熱惱請乘蘿月話無生

贈餘庵叔

吾宗有叔知名久耆舊風流業尚存年老王維能

艷曲家貧曹霸是清門靜耽天趣親琴榻勞息人
緣廢酒尊市隱可憐三十載曾中丘壑共誰論

初秋同餘庵叔訪恭玉上人于環青禪院

曳屐人同阮探碑寺紀蕭柔桑園隱戶深竹徑通
橋石怪供髹几泉香發瘦瓢暫來依佛日已覺世
塵遙

入門如有得秋好在環青水靜光浮閣林高翠拂
庭帶雲歸宿鳥背月過流螢更愛清宵影懸燈照
獨醒

重過長慶寺讀書處與古音上人話舊

萍浮鶴寄兩茫然一別旻公二十年耆宿半凋塵
外客香幢未改梵中天詩題荒徑畱疎竹偈說空
池識淨蓮重覓篝燈秋語處石堂猶染舊茶烟

村居

孤村居似在山中流水柴門惜轉蓬雙屐秋談逢
故舊一燈夜讀伴兒童只須文史能常足何必簞
瓢不屢空莫怪年來窮轉甚賦歸攜得是陳風

項城以憂歸
項屬陳州

臨野堂詩集卷八終

臨野堂詩集卷九

吳江鈕琇玉樵著

續筑音

滁州喜晴

霽月初來客夢間
雨餘秋澗正潺潺
泉鳴樹杪波圍郭
石破雲根路入關
郡守醉留千載地
亭侯祠擁百重山
曉鐘獨報新晴罷
誰似松門老衲閑

過鳳陽

園陵蕭瑟暮烟生
漢主曾餘過沛情
誰問一杯銀海闕
將瞻七廟碧巒平
顧成久廢祠官典
廣武空

傳衛守名尚有前朝孤月冷森森石馬夜常鳴
重九前一日重過項城喜晤王閣諸子卽取
道入都賦以誌別

長川孤棹夕陽迴好友重逢令節催黃菊無慙今
日對青山猶喜故人來夢懸鴻影詩千里愁釋茱
香酒一杯歡會不堪仍惜別驪歌欲發更徘徊

客遊

花木能逢勝地栽客遊暫得好懷開磁州荷芰湯
陰柳不負邯鄲夢裏來

邯鄲曉發

燈銷旅焰劍裝輕睡眼迷離遶郭行策馬看移疎
樹影叱牛聞答遠車聲霜催世路秋同冷月帶鄉
心曉獨明擾擾孰非求夢客未須前叩古盧生
可歎

千霄新碣首蟠螭千載名因片石爲可歎城荒多
隙地年來添得峴山碑

送戴康侯出牧商州

天中薄宦論知己古誼如公復幾人仕路俱因貧
拙滯交情偏到別離真黃埃拂騎子來雒紫氣迎
關爾向秦見說渭流清足飲曳絲仍願結同鄰

相逢行

贈張弘蘧湯西崖
查聲山三孝廉

吳天有客稱羈旅手操不律遊燕市
酤酒曾分司業錢呈詩亦倒中郎屣
半刺慵因典謁投一羶勉爲傳經徒
拓落風塵十載餘此心常抱千人恥
夢裏青山不肯生懷中白璧旋遭毀
回首當時帖括徒蕊珠袞袞登名氏
但求通籍列鷓鴣何用開編辨魚豕
豈知天不秘英華忽落張星到吾里
博識遙能繼茂先研思直欲傾平子
秀依楊柳迎曉風麗壓芙蓉照秋水
觀國來題石鼓曲一朝名冠鴻都士
西崖湯子起西陵出入羣將璧人比
揮毫成

錦吐成珠菝林爭購輝屏几蠟刻岐王夜席紅貂
畱卓女晨鑪紫俄聞簾外報金泥醉擁花枝猶不起
海昌查氏實多才聲山敏妙尤清綺臨池一字直兼金
倚案下函成片晷有時岸幘過旗亭衆皆曰狂笑相指
不道神霄碧灑衣桂宮忽漫逢知己側聞楓陛正需賢
遠布珊瑚絃彌海涘披文內殿願同時今日三君無乃是
卽看繡牘奏昭容已識綵雲占太史嗟余謁帝竟無因
一行作吏渾堪鄙却怪同遊舊謫僊俱從噲伍爲人人間莫易歌鳴鹿科名不愧應如此

歲暮京邸述懷

陸海塵紅撲面飛春明如夢舊遊非狂難學道年
華晚拙易違時祿秩微五斗未辭貧吏粟一袍猶
戀故人衣悲來最是聞歌地雪後旗亭酒伴稀

咏鹿尾奉和徐立齋夫子韻

山客寧無善後思却從仙饌佐芳卮何如早入名
談席揮向秋塵未到時

一片紅肌玉削成帳宮行炙最先呈蕉陰夢斷身
餘幾曾憶幽溪引隊行

苔字銀牌古篆青上林漫說鶴同齡漢貂盈座誰

當續空使伊尼著食經

青益羣肴鄭記多鄴中奇味孰能過射生堪笑開
元騎止愛當時熱洛河

送徐月山之任歸安兼簡兩沈太史馮長民
學博

梅點輕鈿柳曳絲放衙正及麗春時湖生碧浪浮
詩舫郭繞青峰照酒卮擘筆定逢腰瘦客談經應
到腹便師吾家只在雙溪外可許來遊看水嬉

送金孝芭之上元

昔日循聲聞赤縣茲行又向古王畿山川是處龍

能繞門巷誰家燕不歸雨後訟庭看積翠花邊吟
閣倚斜暉登臨遙識雙鳧影常金高臺彩鳳飛

送余惕區之閩中

亂峰西挂蜀天斜行色春生碧憶車一鶴獨攜雲
外棧雙旌遙指月中槎奇勲不用求邛竹高咏還
能敵浣花他日東來瞻紫氣須知關尹在彭衙

除夕李蒼山招過華嚴寺寓同訂入秦之約

時蒼山將歸江寧座有歌者

蕭寺燈寒寄此身宦遊踪跡說燕秦一年未盡唯
今夕萬里將歸是故人尊惜共傾情爛熳曲嫌頻

顧態逡巡東風已到梅花驛好覓來朝隴上春

都門感舊七絕句

國子先生夙有何蕃之愛緇改三衣絳分半
帳幸茲孤迹視旅如歸泊紆墨重來而先生
墓已宿草矣侍讀公益惇世講繫我白駒猶
在雲亭左畔天街雪後征鴻有聲羣感鉢心
於斯爲最

鳳城風細落花天日日蘇公與酒錢寄廡人來貧
似昔每逢春近一潸然

粵有朱家託言張祿竭來廣柳儻居大槐日

費萬錢之餐室貯千金之笑特其傾意墨卿
別途劍客於其逝也爲執紼焉愛姬家本挾
瑟悽愴西還錦靴細馬不知所終

玉管金尊二十秋當筵曾見俠情留舊簾歸燕今
何處祇剩斜陽入畫樓

才人孤憤寄之謔浪鑪頭遠山傳相如者猶
不之諱矧其寓情婉變乎畫溪綵筆雄宕悲
妍無若髯之絕倫也疽發髯端歿於廣平相
國之第惜無知者不以阿雲諸咏殉之

衰年珥筆賦長楊寶硯猶沾侍史香忽漫修文天

上去定將鶴馭召雲郎

庚戌之秋笠澤大震沈版浸扉萬頃畢白楓
根婦子半爲咸胥武塘先生奏蠲邑賦吳不
終治惟公之功余來燕市首謁黃門遽蒙下
榻遂得卒業辟雍越十七載而錢垣長寓其
故宇卽向時剪燭論文之地信宿於斯有懷
曷極

楓江有客久蒙恩况復西園共酒尊重憶當時焚
艸夜忍看新月到黃門

充觀國賓者來自江左百有十人項子松心

世學堂集 卷九
余稱莫逆惜是綺才溘先旅館其歸櫬而南也忽降莘言道我殯之事織銖能悉指畫家政蹙若再生且云薄獲冥秩偕倅行矣所遺銀鹿猶能哽述斯異

書劍同攜到璧池俄驚去訪赤城師玉霄果有憐才地是處應皆說項斯

高三十五代有幾人維我遺山宛其似之直概朱絲皎懷白雪彼哉澳阿爲侶者睨若浼焉闡戰二七俱漏禮羅晚遊玉署其貧轉甚遂磊落而終怪發齋諧奧探及豕斯音莫嗣

重我寂寥之慨

聯吟泥飲竟無期獨對寒燈繞夢思歲歲可憐人日到有誰題寄草堂詩

鴻生之選旣隆徇監之途遂狹天水清卿憫余未至授辭烏臺旋登薦牘雖所請竟虛而天下知已有此一人若夫倒屣花關攬袂竹徑飫玉饌於綺筵聆珠歌於華屋自公東歸此樂不可復再况乎已遊九原也

一從卿月墮青山鸚牘誰爲動帝顏兩髻欲絲能不恨已無知已在人間

臨野堂詩集卷九終

臨野堂詩集卷十

吳江鈕 琇玉樵著

粟語

午餘紀夢示署中諸友

濁流靜自澄
芬絲斷乃理
邑政有餘閒
所惜淹良晷
展書高槐下
清蔭落窓几
風薰午倦生
時或脫巾履
恍疑入綠天
遊逐南柯蟻
徘徊五斗間
負重若戴黍
遲遲賦歸來
栩栩將何止
日夕殘睡醒
禽聲忽盈耳

彭衙雜咏

臨野堂集 卷十
百里山爲邑衙齋枕碧虛秩卑容性拙地僻稱才
疎晝幕賓爭奕宵厨僕厭蔬居然成吏隱興至一
攤書

臥閣薰風入陰交衆綠新雙槐藏蟻國一柳寄鶯
身曠欲追仙伯窮嘗企古人誰爲崔少府聾尉在
東鄰

莫謂西陲陋文明實在茲泥融常侍檻苔繡史皇
碑狐跡依衰塚鴉聲集廢祠暮山青未了千載起
人思

路岐當四戰城小復孤懸晉絕東河道秦橫北嶺

天雲標金粟峻水貫鐵牛堅往代多遺鏃時時出
野田

羣嶂如屏列寒多物候違麥黃過夏至草綠及春
歸屋矮風偏厲坡高雨獨稀甘唯東井水能灌藥
苗肥

力竭兵興後年來日漸寧牛租輸廟市蔬課報園
丁歸籍餘三戶傳家昧一經可堪容虎猛能不慰
鴻冥

版屋仍遺俗高低綴遠岑窑村磁五色煤井繙千
尋馬習溝行險人安穴處深秋來看似錦柿葉滿

霜林

合姓居同堡分田占各畦民愚勤訟牒土儉亟耕
犁晚磬松岡遠春帘杏店低夕陽歸社飲羣老半
扶藜

少陵初避賊曾此一經過才太交宜寡途窮險益
多石烟畱旅迹谷鳥見悲歌世豈無賢宰相逢客
若何

南河石齒齒觸處見流清悍蟹匡何碧勞魚尾尚
頰雪消谿草潤雨洗彌沙明爲政無他術應思此
邑名

春日漫興集杜

有序

清傳一邑白水攸稱高擁四山赤畿可望田遺
金鏃已迷秦壘之雲城接銀河尚見漢關之月
泊乎運躔仙李孽啟妖虬崔尉高齋厯存殿瓦
鴛灰之後杜陵野老偶來崖泉蛟坼之餘雖事
往斜陽俱成陳迹而才畱多雨永燦華牋以是
叢爾之區不乏巋然之句余也辭尊故土三閱
秋螢分組斯邦再逢春燕榻懸孺子絕少嘉賓
判付老翁仍多暇日幸卑貧之可樂兼詩史之
足觀字與星偕未減零瓊之積韻從鉢應還同

臨野堂集 卷一
古錦之投屬對誠忙功乃勞於驅石成章屢報
技忽就于鏤冰聊假曩哲之言城用寄芳辰之
心匠東柯非遠適符秦州雜咏之篇南斗何依
竊附夔府孤城之興

春色是他鄉迢迢滯遠方竹高鳴翡翠沙暖睡鴛
鴦阮籍行多興何顛好不忘誰能更拘束白日到
羲皇

落日在簾鈎暄和散旅愁雲溪花淡淡春草鹿呦
呦塵滿萊蕪甌貂餘季子裘雙雙新燕子來往亦
風流

濃淡樹榮枯荒庭日欲晡長歌歎柳癭隨意數花
鬚老太才難盡春生力更無自逢今日興亦足慰
榛蕪

單父長多暇幽偏得自怡差池分組冕質樸謝軒
墀政簡移風速家貧苦宦卑安排求傲吏此道未
磷緇

日臨公館靜心跡喜雙清花葉隨天意山光見鳥
情持衡畱藻鑑薄斂近休明不願論簪笏居官志
在行

白榜千家邑秦城近斗杓關雲常帶雨寒水不成

潮隱吏逢梅福披襟得鄭僑不才名位晚無補聖
明朝

近接西南境溪邊四五家寒魚依密藻細麥落輕
花樓雨霑雲幔村烟帶浦沙惜哉形勝地不得問
丹砂

野興每難盡春池賞不稀汀烟輕冉冉竹露久微
微亂石通人過殘雲傍馬飛生平孰勝事未肯羨
輕肥

孤城山谷間幽事頗相關返照斜初徹高雲薄未
還上將碁度日相對酒開顏唯有會心侶畱歡卜

夜閑

鶯入新年語思吳勝事繁美花多映竹小徑曲通
村漸喜交遊絕遙憐舍弟存故園不可見歲月在

衡門

何事忝簪裾垂名報國餘子雲清白守中散舊交
疎洗杓開新醞鈔書聽小胥沈思歡會處看取北
來魚

天濶樹浮秦重重祗報春壯年學書劍薄宦走風
塵社稷經綸地江山憔悴人馮唐雖晚達方覬薄
才伸

佳氣日氤氳暄寒早早分凍泉依細石疊嶺宿霾
雲豈述廉藺蹟還披鮑謝文飛來雙白鶴應共爾
爲羣

高城烟霧開披寫忽登臺茂樹行相引叢花笑不
來忘機對芳草隨意坐莓苔萬里蒼茫外誰憂客
髻催

老矣逢迎拙青袍也自公獨醒時所嫉絕境與誰
同弟妹悲歌裏形骸痛飲中此生任春草未敢息
微躬

池水觀爲政蕭然淨客心謬稱三賦在得近四知

金攬帶看朱紱收書動玉琴百年嗟已半未見有
知音

偷眼艷陽天菁華歲月遷卽今蓬鬢改只想竹林
眠對酒都疑夢將詩莫浪傳故園花自發何日是
歸年

官序潘生拙恩承雨露低出塵皆野鶴微分是醯
鷄春草封歸恨桃陰想舊蹊會希全物色時訪武
陵溪

天畔登樓眼巖棲在百層騷人嗟不見世故莽相
仍碧海真難涉丹梯庶可凌吟詩坐迴首變化有

鯤鵬

甫昔妙年日躊躇此驛亭北辰徵事業南斗避文
星醉客霑鸚鵡拋書示鶴鶴古人稱逝矣高卧想
儀形

秋祀蒼聖廟紀事

戊辰秋正中修祀謁蒼聖祠宇一何遙越在粟東
境侵曉出郭門羣山似相迎輕輿翼高雲險騎盤
危磴遠來潺湲聲隔嶺時入聽百折下臨谿奔流
勢方競扁舟徒旅盈屢渡乃得竟行復十里餘孤
村日已暝齋宿寄香林月皎心跡靜假寐俟質明

幸展禮薦敬墓棘未剪除文梁失蕊觀嶺右前宰
賢尹腹兒遺政踵事需後人廟貌宜復正老柏呈
奇姿中含邃古性歷觀廡下碑閱世非一姓惜哉
蝕荒苔漫漶字垂罄茫茫億載間物改地自勝悵
望理歸鞭疎鐘滿烟徑

九日同署中諸友遊白龍潭

風雨多在秋那堪入重九瞻茲霽色佳令節焉能
負把菊念名山插茱會良友聯騎過城西隨意覓
林藪忽逢泉石清勝地得未有斷壁何巉巖疑若
巨靈剖驚流出其間勢欲與之走千載猶遺聲日

夕蛟鯨吼綠崖置危樓空駐幽棲叟豈謂行跡稀
絕構見摧朽解鞍濯冠纓席石舉尊酒興至忘晷
移自辰已及酉未忍別雲巒餘情寄高柳

遊蒲城原氏園亭

朱門饒有滄洲趣三徑蕭然絕市塵絳葉墜林秋
滿地碧苔粘屐晚迎人雲生石態依亭古風弄禽
聲逼檻新就菊忽逢投轄飲遊車薄暮未容巾

冬杪懷古項閻子公融兼傷其伯兄繼協之

逝

虹水橋西玉一枝昔年曾與訂幽期蠟銷芸几書

頻發蟻泛梅牕酒共持風暖正開鴻鳴路雲涼應
起鵲鴿悲懸知此日春生處夢草人孤點筆遲

己巳正月三日

華髮脩脩上客顛又逢春信到秦天離家遠夢三
千里入世浮名二十年學易未能窮彖象攤書漸
欲廢丹鉛疎慵如此猶縻祿久負蓴江舊釣船

喜金道洲札至卽用前韻

一片雲飛太華顛故人芳訊墮遙天神臯已接邠
岐土聖德還同慶曆年燕市舊遊從擊筑粵裝新
草憶懷鉛春風桂楫西來日書畫應知滿客船

致書蒲城王秀才景明乞菊苗

南山入望參差碧菊種應如灞岸繁欲待嚴霜占
晚節須從清露植深根籬前瘦比依人鶴谷內寒
空伴客尊他日王弘能過訪請看佳色徧秋園

歲暮奉贈頻陽李內翰子德

烟霞姓字入瀛洲纔赴徵車便乞休萬戶曾非輕
絳灌九重應不屈巢由松風繞屋龍吟細蕉月盈
蹊鹿夢幽絕頂振衣何處是興來一到峯峯頭

少微光映紫微天塵外蟠根李是仙芝草自迎商
皓路桃花未改晉漁年韋亞業向千秋立碑歲夕

從四裔傳不是竭來除雪客閉門寧易起高眠

庚午元旦偶成用竹西原韻

曉衙初放爆聲傳首記春王入鳳編北戶漸融留
瓦雪南橋將染曳絲烟異鄉梅柳堪娛客芳日琴
尊足判年坐說吳中多勝事題椒贈橘正紛然

予與沈竹西五兒童稚情親三十餘年酒盞
燈篝樂數晨夕無若古粟之聚首閱歲也春
仲將復理裝人都放筆寫意以志黯然

乍喜天涯寄跡同可憐河柳又春風白頭心事青
衫淚傾向秦關一歲中

東望燕雲泚泚寒忍教驪唱從征鞍春風郊外山
逾好誰與花時並馬看

折腰渾不耐逢迎有夢何時到玉京天上故人如
問訊只言政拙似陽城

鶴徑梅牕意氣深交孚鮑管愧分金曉風蕭颯吹
岐路將去冰壺一片心

畢西臨內兄件余妻子至署併以詩見示率

賦奉答

倚劍風塵暢宿期遙來將妹北山陞宦卑曾乏妻
孥計才拙唯應故舊知書屋杏殘香漠漠訟庭槐

古色離離天涯幸遂鄉園樂促坐行觴白鳥遲

李太史子德喜予過訪秩筵展榻情話斐然
別後復惠詩五章逾春始得依韻奉答兼彙

拙集附呈

出處夙然世所稀堅辭珪組卧巖扉紉荷誰識娛
情遠拾橡寧嫌托跡微蒼嶺雪催林鵲起紫霄雲
傍塞鴻飛自慚吏隱仍耽祿千仞還思覽德輝

村鴉歸處響疎鐘彷彿寒岡對卧龍谷可逍遙韋
敬遠人何淡蕩郭林宗門前舊識唯高柳逕外新
移得小松總有世塵應不到圖書軒檻自重重

記得霜天玉漏長論文燈館夜微茫飲慳蕉葉杯
常滿坐逼梅花帳易涼風採大聲知是夏曲傳清
響聽爲商此生一入蘭林後臭味真堪謝衆芳
三見苙生素月高頻飛書雁下蓬蒿乍來字比雙
金貴嘗對談傾四座豪崔尉谷窮增鼓吹陝郊篇
古繼風騷何時重枉彭衙作烟石參差入夢勞
家寄楓江三畝宮吟魂遊跡任西東鐘籠豈易成
高調鴝鵒終難會遠風雙屐十年青髻改一琴千
里素心同披囊亦有生平業拓落情懷在此中

寄閔若上人

雲外曾從夢石泉誤羈塵網又三年自看鶴瘦儕
齊已每聽猿啼憶皎然悟法可知詩亦妄觀心無
碍醉爲禪平安園竹今何似有信應教一雁傳

九月十四夜偶成

催葉砧寒入暮秋橫山烟靄靜中收泉聲到閣聞
逾遠月色穿林看更幽世盛尚孤張翰鱸官貧未
改晏嬰裘終思一舸爲漁去手挽銀河弄白鷗

答王爾固

渭水西風吹古粟木葉蕭蕭下殘綠臨風手發故
人絨中有新詩錦成束自言舊雨夢非遙轉覺別

來塵網酷君家遠住鄭湖畔湖月湖烟滿庭曲畝
秣年收二頃餘腹書日晒三冬足長嘯高吟可自
娛何用人間問蠻觸我甘卑貧意亦然還從知止
求祛辱杞菊爲餐鶴爲侶吏隱猶能追往躅有時
一騎遲君來嶽臨大路蓮垂玉引袖同攜嶺上雲
開顏且飲杯中滌

夕夢多怪詩以誌之

移宦自中天孤城寄斗邊浪遊將萬里微秩又三
年慘慘箴詩廢飄飄梗跡遷髡疎憑雪點心海擬
蓮懸槐綠殘尊後楓青皎月前殷憂曾莫遣噩夢

每相牽屈曲踰灰洞晶熒踐玉田九衢埋市霧雙
岸菴溪烟渾沌初開鑿媚媿漸遡沿樓臺俱屹若
冕絨各頎然藍面纔逢杞朱唇遽感甄蛻丸登寶
鼎蚓結化珠鈿折葦浮爲舫裁蕉數是錢偃師嗔
向席鮑老笑當筵谷火焚何熾河冰合已堅支祈
波撼鎖列缺電搖鞭白服遊奚適烏衣語漫傳捫
天登復墜縮地判仍連屢訝松生腹都忘蟻駕肩
排山龍釜鬪跨海鶴孤鶩審雨堂階峻行雲岫壑
偏飛蛇長過樹舞蝶大盈船鼠穴乘輿入蜂窠覓
路穿帆摧聞笛渡燭晃爨犀淵滴博蠻吹角叅覃

鬼控弦戈矛森浩浩鉦鼓震闐闐探井通神闕開
巖出異編髑髏驚遠擲臟腑駭頻湔石踞看成虎
絲鳴聽作蟬攬衣蟲附體投憤鵲巢顛遁或從壺
叟行常挾劍仙渴方追日去冷忽御風還竟乏陳
搏樂徒尋汲黯眠幻逾觀角觝妖豈遇胡祆直與
寤難送還教恨易纏史巫占亦悞虛附治誰痊午
黍炊猶未晨鐘報最先定知緣盡妄回憶事多愆
尚有神堪問寧無象可捐何當求獨覺初地獲真
詮

無錫鄒可遠過署夜話有感

才藻凌雲氣貫虹半生踪跡竟飄蓬於今爲庶如
曹霸自古論交只孔融綵筆應知憎命達蒯緱相
與泣途窮請將薄宦天涯恨共寫寒山夜燭中

舟燈

畫舫裁盈尺空明紫焰垂光含蘭楫定影綴錦帆
欵薄訝裝雲母輕憐映雪兒笙歌如可載不待月
來時

車燈

似識塵遊苦高懸璧月輪翠多知掩幔紅小見藏
茵巧御風綏舉奇兵火隊陳莫愁春未曉照乘夜

珠新

臺燈

小隊駐春紅芳宵一夢通銀屏窺匝匝綵柱倚玲瓏障月歌人麗凌烟戰士雄不知添畫燭疑在水晶宮

毘陵劉子靜夫能文好讀書幕事多暇間出巧思手撚紙爲舟車亭臺之燈錦帆載權寶馬曳輪方不盈尺而梨園之歌舞備焉鏤冰刻棘莫喻其工昔東坡先生謂秦少游此人不可使閑遂兼百技矣靜夫真不可閑者哉既成三咏并

書以貽之

秋夜樓中納涼卽事

古堞歸鴉帶野烟雨餘門掩綠槐天村依遠岫明秋火澗隱空林響夜泉詩思漸傾盤果薦藥題頻送閣鈴傳閒心一片知誰許涼月盈襟獨灑然

採煤曲

雲根斲盡龍山坼轆轤深綆垂千尺額燈蒲伏漆爲膚飢驅貧子齊肩入朝入還期夕數錢忽逢崩石生長捐千村土鏗炊烟出中有民命如絲懸
搗紙曲

構紅麻白車闐咽玉聲細擣寒光徹春潭小水映
桃花片片疎簾捲晴雪蔡侯古檻今已蕪賦手空
握靈蛇珠鬻向洛陽會莫問半從山市歸屠沽

搏器曲

薰風碧染雷祠柳西河巧運埏工手葦火初殘土
室開文瓷五色高於阜傾銀注玉舊朱門轉眼雲
銷未足論瓦盆常得隨田父獨酌寒漿杏雨村

賑饑事畢歸自康家衛

省斂秋方亟行行未覺遙民窮憐白著法弊笑青
苗剝粟畱村榼斲泉借寺瓢山蹊歸向晚駐馬聽

歌樵

賑民河北自和蘇村至南羌寨

出宿孤村曉行踰絕澗陰懸崖泉逗石倚壑屋藏
林逕險知馴馬叢幽見異禽欲紆中谷歎載粟入
山深
夏日香笑亭偶成
官閣東偏地孤亭繞衆芳雨葵翻葉碧風杏墜枝
黃墨愛浮箋潤衣驚御袂涼寸陰還自惜簾影晝
空長

遙飄泊甥同魏聰良女似昭旅顏爲一破拈管共
朝朝

雪夜出郭至沙家河

背郭遙傳夕柝聲蕭蕭數騎入山行亂流百道冰
初合殘雪千峯月共明村釀寒從尋白墮野蔬貧
見供黃精此生大塊原勞我敢負風人偃息名

宿黃龍山

山勢繞黃龍巖關駐客踪疎烟生絕壑冷日下危
峯廊時微前夢彭衙憶故封淒清聞古寺聲斷及
晨鐘

九日寓長安開元寺

萬家秋色滿長安古寺蕭蕭木葉殘山菊如仙逢
不易市塵爲厄避應難濁尊漫憶陶潛酒短髮徒
羞杜甫冠薄宦十年佳節負把茱寧忍客中看

秋日香笑亭偶成和玉舟弟韻二首

小亭秋向晚幽思動相關曳壁苔衣潤窺簷雀語
閒詩懷多集夜吏隱正宜山坐聽東鄰寺疎鐘帶
月還

雙扉依古杏事少鎮常關韻愛吟蛩苦機忘墜葉
閒香清茶煮月峯小硯攜山何似蓴溪好秋風一

棹還 馬給諫惠墨

四和來梧掖雙丸出豹囊光分雲穴潤質帶玉堂
香草檄時何用摩崖志或償淋漓看醉髮自覺老
逾狂

臨野堂詩集卷十終

臨野堂詩集卷十一

南縣客筆

九日風雨原予宿伯李于俊一不速而來雷
飲醉歌

吳江鉅

琇玉樵著

佳節偏令發興奇况逢勝侶憇幽思泥深小巷來
雙屐酒濁高歌進一卮籬角盡開能逐客城頭雲
壓自催詩莫吟今日潘懷縣正是安仁宦拙時
盆頭菊

貞菊雖如傲芳心自不孤艷辰偏隱翳涼昊始榮

數理稟中黃好名裁小碧殊陶潛松逕側孫楚竹
牆隅爛熳欣聯萼歲蕤訝合附風微交倚玉露重
各含珠競發香何晚頻看態更腴見應羞白髮吟
莫負青鏤二仲來鄰壺雙丁憶友于東籬時引酌
隻影正愁吾

題琳瑯園贈原宿伯

幽花疎竹小園開早見清新賦體來聰向雅絃求
律呂博因彝器辨雲雷驚人健筆寧嫌放委俗剛
腸未肯回秬待闕門乘月客談深時一發桑醅

酬原宿伯卽用來韻

老學微光得幾何未能安味似文蛾摩抄技止雕
蟲小點檢功猶掃葉多每愛幽期尋北郭却慙旅
跡滯西河自來詩律孰應細尊酒重論望屢過

喜邵陽康孟謀枉過寓園兼示詩集賦贈

傾蓋三秋後開顏一見初折梅橋外騎倒薤篋中
書貌偉論交遠名高入俗疎未嫌投檄吏來此問
離居

了凡上人駐錫北寺年逾九旬皈依之家咸
推耆宿余於杪秋步訪凡公指其所植壺蒂
瓜相示時當事方購岐穗佳禾金仙之前亦

供一本同遊原子宿伯染翰紀瑞李子俊
隨索和章因成二絕句

共命鳥原棲梵樹交枝蓮自發禪燈東陵去後遺
仙種付與祇園白髮僧

獻頌昔傳芝萬本繪圖今報穀雙岐檢田我亦曾
為吏太息來題古寺詩

臘梅

經年花事入冬殘偏愛幽香發曉寒凍葉謝霜無
剩碧芳蕤迎日獨含丹金釵十二畱檀暈玉甲三
千報蠟丸持比此花誰得似坐臨南牖幾回看

立春後一日訪李蒼山於中部畱署信宿兼

觀社鼓之嬉有贈

去官猶作彭衙客念友還尋翟道行改歲田豐民
獻貉放衙事簡吏鳴箏沙平沮水春烟澹柏老橋
陵夜月清須信心闕知政美繡旗畫鼓徧山城

元夕中部署中夜讌

未欲孤佳節連宵綺席陳簾衣聲隱伎座燭影搖
春老識年華貴狂看意氣真此生歡會幾回首憶
京塵

觀木偶戲口占

國朝詩集 卷十一 三
繡服雕冠傅粉脂箇中機變竟誰知終朝氣魄隨
人轉畧勝鄜州土稚兒

十六日宿雷原村店

玉學銀燈雜管絃昨宵勝事已茫然月明不獨憐
羅綺又向荒村照客眠

上元後六日招同羅司訓小飲以詩見辭依
韻酬之

消搖忘物役拓落喜棲幽掃逕期三益抽簪得一
休年增人感慨座滿客風流未解傳柑飲聊尋卜
繭遊澹烟林乳鵲微雨屋鳴鳩逸興冠宜脫良辰

轄欲投纖情伸粗粒珍味遜蝓蟬詎謂書筒至偏
因講席畱深懷芸閣鄭難起蝶園周梅信寧堪負
鶯聲或可求雪消途宛轉風暢晝夷猶尊酒何時
共論文好借籌

春日同雲間黃衷哉遊古慈恩寺感賦

斜陽十里出南城古寺猶存雁塔名杏老已忘時
代謝柳新如向客逢迎碑題將相朱書沒榜記隋
唐碧殿傾遙想曲江當日地春風繡幃正縱橫

薦福寺

似驚遊客到禪家老樹當門噪曉鴉靈塔乍分雷

隱地神鐘自出雨沈沙庭留夢石三生幻閣倚空
雲四望賒欲問宮娃祈福事碧蕪香冷玉鈎斜

開元寺雪夜偶成示普闍上人

招提閱旅跡伴雪寄秦城酒債逢春重詩思入夜
清邏軍笳萬堞諗市燭三更誰得如禪寂蒲團足
此生

喜黃衷哉過談時寓開元寺僧舍

同里殊方客相逢祇樹林斂衲看世態傾耳聽鄉
音僧樸春遊簡僮閱晝睡深忘言黃叔度不惜久
談心

漫河鮮鯽歌

關中八水春瀾瀾土人不識魴與鯉杜陵野老畫
障歌漁踏孤舟亦虛語奉先城西古漫河不與八
水相通波濕浚石竇泉仰出彌望一碧叢菰蒲我
適來遊至其地桃花霞明柳雲膩網得澄潭撥刺
聲修鱗忽帶蒼烟墜攜歸笊箸付饗人霜刀縷切
色勝銀秃尾槎頭豈足數晶盤犀筋誠堪珍昔聞
鶴溪有神鯽幻化雲踪迎謝客嗟爾風濤竟永違
宛轉泥沙亦可惜碧腦滿素髻肥此味仍憐知者
稀渭濱一去垂綸叟終古雲寒舊釣磯

西京覽古

鈞天夢響記當時逐鹿屠龍世屢移圖籍已收新
府庫衣冠誰識舊威儀鷄聲曉散咸陽市蛾影宵
沈太液池剩有南山酤酒處年年春到杏花枝
畫戟雕甍曠代餘風流劍珮列仙居椒房勲業題
銅柱藜閣文章照石渠漑粟幾人曾曳組泥金何
日不飛書素衣化盡長安道高躅誰能繼二疏

過富平簡蔣雨亭

粉堞斜侵碧樹明雙橋影落彩虹生山形倚郭無
妨小水勢吞沙未肯平隴麥漸稠藏乳雉林花初

發出啼鶯請看廟食楊忠介獨有風遺百世清

長安旅舍夜聽琵琶贈鄒九臨

鄒生吹律能通玄忌也彈絲名亦傳才多藝高關
內客於今復見清門賢玉塵會勝青桐叟金管疑
逢紫鳳仙妍歌粲論無不可妙指尤工撥四絃長
安梵宮漏初下龍首斜出銀燈前乍憐小牕語喁
喁旋驚幽澗流濺濺琤琮箭鳴響忽急滴瀝珠散
聲仍圓恍然一夢入紫塞飛花浮雲悲遠天嗟余
家本在吳會七載寄此如匏懸日厭西缶耳欲塞
到處雷動何喧闐楓香曲奏神已移與君邂逅寧

非綠青衫飄零泣夜月黑河黯淡吟秋烟相攜且
作思歸引舊庄未必輸藍田世間知音復有幾容
易莫上岐王筵

贈張彩書

褒融無恙世應難形寓天涯覺易安杯裏乾坤雙
劍老琴中山水一樓寬遇非顛沛寧稱俠交必風
流始信端幾載愁心曾欲寄今來明月幸同看

初夏飲張彩書小樓返寓詩以誌興

古寺車馬集精舍爲污壤假席方丈地豈足資偃
仰策杖訪幽棲入門慰遐想童稚多歡顏鳥雀寡

雜響攜我坐小樓琴書見清敞南山翠可挹天霽
色逾朗庭樹生繁陰映日蕩簾幌須臾果酒至佳
論愜心賞杯盡引枕眠短夢寄恹恍似茲真率態
應訝世無兩雲牖疏夙煩風襟薦新爽抗懷在羲
軒宇宙失今曩迹疎情已深地偏意自廣安得移
作鄰日夕恣來往

寄居蒲城米氏園林卽事八首

分宅南宮裔移家北郭居泉疏雙井淡樹隱一亭
虛身寄同林鵲官貧剩釜魚所攜無長物檢籍但
盈車

入世才何拙，依人氣自恬。卧高山到枕，坐久月臨簷。賦待閒情錄，詩憑險韻拈。似茲稱爽塏，暫得老夫潛。

琴鶴行無定，飄然滯一隅。雲麾搜古碣，桑落貯新醑。負笈人停騎，移尊客借厨。平原晴可望，好去問玄都。

秋好辭簪日，暄和又及春。放衙蜂性樂，覓壘燕情真。地勝鄰同谷，名高讓散人。興來隨點筆，未覺負良辰。

最惜花時候，偏教旅跡違。雨催欄藥減，風散井桃

稀。小憩陳清簟，狂歌託短衣。綠陰看漸滿，寧不憶芳菲。

柳門常晝掩，聞叩小僮應。病狎青囊叟，愁蠲白拂僧。牕明蠅觸紙，壁暗鼠窺燈。未敢言忘世，羈棲亦我能。

近市仍離俗，殊鄉也適情。江山收畫篋，人世閱碁枰。隱欲從梅福，遊還待向平。思吳新有夢，彷彿到柴荆。

侍御風流在，幽棲景象賢。簣簪思合塢，葭莢望盈川。玉粒除莩熟，銀絲作鱸鮮。溯遊曾不遠，回首夕

陽天

僧舍對雨

竟忘春已曙雨色滿禪關南雁來應阻西雲去不
還散絲過柳外濯錦到花間坐看匡床叟開軒對
奕閒

由藍田入山至商州

蒼然三百里不厭日山行怪石兼雲湧幽泉隔樹
鳴嶺迴疑徑斷村遠辨烟生最惜藍橋勝踟躕過
客情

題孫真人太玄洞

山川不改世潛移巖穴長春見古祠未忍宮門看
喋血却來洞府學餐芝寒雲鶴語千松逕舊水龍
藏兩藥池何似魏公初逝後已無華屋庇孫枝

再題米氏園林四首

浮踪看歲變更復際秋陽繁實榻垂逕疎枝菊隱
牆土音稱擊缶人事習炊梁悵望南來信遙天雁
幾行

家隔三千里心懸十二時已成元亮咏竟負季鷹
思別憶江楓冷歸憐海燕遲因茲幽興熟屢誤俶
裝期

自數猖狂跡會無里舍謀衰顏紅葉借勝事白雲
求紙筆兒能好池塘弟獨留故鄉如在眼天畔一
登樓

綺疏容緩步碧蘚各成蹊孤石形偏瘦叢花影自
低書籤迎月檢茗鼎帶烟攜尚想斯遊遂重來覓
舊題

臨野堂詩集卷十一終

臨野堂詩集卷十一

吳江鉅 琇玉樵著

柳下言

謁堯廟

肅肅瞻遺廟巍巍識大君德留千載儉心授兩朝
文莫落階前土松生棟裏雲今猶耕鑿世擊壤竟
誰問

真定道中同張借亭賦得八韻

藉卉遙從晉聯鑣共指燕井陘憑險越督亢想圖
懸冰白蕪原外天青雁陣邊雲開寒樹直風起暮

沙圓戰壘連枯塚耕畦入暗泉裝因詩卷重程爲
酒期愆縱論高荆俠長懷李郭仙帝鄉知不遠頻
舉夕陽鞭

天根上人所住蘭若再燬於火今且三建矣
乙亥之春經營伊始適遇其五十初度喜而
有作并以爲壽

欲從人境識真詮卓錫偏來鳳闕前寶地兩逢杯
喫火香臺三見鉢生蓮每開白社邀元亮更寫黃
金事閭仙我亦假年方學易可能分榻看茶烟

敝裘和查孝廉夏仲

長安雪後塞鴻過金盡難言絨與絀六國未平貧
至此十年不改儉如何吟隨瘦馬侵霜重卧覆寒
衾得夢多欲向酒罈謀薄醉春來開篋幾摩挲
獨攬蒙戎賦式微早知身世已相違未悲杜老衣
同結豈羨羊公帶可圍山日半肩樵擔出江雲兩
袖釣船歸直教冬夏常爲伴翻訝良遊與共稀

次韻答金道洲

載箏攜筑上長安一笑相迎罄夙歡狂豈無心曾
咄咄瘦仍有骨尚珊珊侍臣易獲侏儒粟逐客難
求檢校官問我此來竟何事闕眠僧舍日三竿

意氣當時亦兩雄大都消滅自秦中一言未似驪
明合三黜將無柳惠同問歲互憐吟髻短向人暫
喜醉顏豐行藏不用詢詹尹歸去辭能發我蒙
余與竹西玉舟俱同里束髮交也文酒之歡
無間晨夕嗣以遊跡殊方遂疎晤對乙亥初
春得於都門聚首因用東坡先生吾儕相對
復三人爲起句各賦一章

吾儕相對復三人羈旅京華正及春曾詣旗亭題
姓字還憑箏酒歷風塵歡娛每爲當年惜潦倒偏
於異地親何日村扉成晚計筆床茶竈共湖濱

同玉舟弟遊玉泉庵贈巨川上人

巨公心域淨結構亦殊羣入徑唯逢竹登樓自得
雲磬疎清梵發琴靜妙香聞尺五城南近人天境
已分

慎獄傳司寇能求般若心林纔飛到錫地已布成
金清試雲門茗奇聯石鼎吟正宜支共許風月兩
相尋
春雲應
安親王令喜
養花天氣半陰晴絲散長空止復行夢裏浮將飛
絮遠歌前飄與落梅輕素雖如練誰堪贈奇欲爲

峰尚未成莫是淮王仙術在風吹芳月暈常生
種豆腐和姜孝廉西漢空五穀不憂粟
種豆山南歲晚登盤餐乍喜一肴增炊同芳杏春
凝酪劃共寒釐夜雜冰四海可知隨地得百年祇
合待儒稱最憐野岸孤舟泊茅店初開見曉燈
未易人間賦老饕還憑仙術省錢刀薄筵置鼎和
幽菽小市攜籃配濁醪久貯味應凌玉版初成色
豈遜銀膏太常日日齋需此遮莫長安價已高

哭大司寇徐健庵夫子

天與高名冠古今人倫物望兩傾心文章司馬雄

而健器識歐陽大且深庇士萬間開廣廈講書一
字擲兼金紫垣忽報台星坼從此光燄翰墨林
五色雲生帝座前芙蓉鏡啟玉堂仙英華絕代天
標柱經緯由心地湧泉棒救戶藤紅日近珠莪庭
樹碧霞連豈期一結香山社竟乏還丹駐大年
繡袞東歸茜水濱棠摧鴿散總傷神西園尚有銜
卮客南陌誰爲執紼人祇剩琴書陳總帳莫將羔
雁問蒲輪可堪身入重泉去丹詔猶來起舊臣
憶昔遊從駟馬門半生陶冶荷殊恩饌分曲席牛
心貴詞接匡床塵尾繁每以疎狂容杜牧偏於卑

困恤虞翻孤寒八百齊揮淚淚到羈人最愴魂

送金叔固之任單父

余性實疎放計不及青紫偶亦藉世資牽絲兩從
仕憶昔在關中制邑僅黑子獲上如饗天謁尊必
因鬼同官競營營甘之有餘美唯余謂不然悃悞
以自矢出岫憑雲行入坎待水止與君適邂逅相
見各色喜問年協塤箎接地恭桑梓尊前玉璽僧
燈下銀箏妓輸此羈旅懷高談輒移晷別來歲再
周隙駒一何駛贈策方秦原班荆又燕市余固安
鷄棲君乃欣鵲起單父古名邦聖居亦云邇風流

樹嘉政所期視前履戴星憫農勞秉燭發吏詭友
事更多人鼓琴已足理雙綏出芳郊繁花明於綺
回首眺蓮峰舊遊宛可紀睽合忽淪時榮瘁豈易
軌願言崇令聞長河報書鯉

送顧闇若赴長興二尹之任顧工繪事

芙蓉粉染玉綃寒十載前從古寺看境愛岷池生
卷軸人疑褒鄂見衣冠盛名已足追三絕微秩何
妨寄六安綵筆舊緣消未得風流猶作畫溪官
薰風迎舫碧湖澄此去懸知不負丞茶可著經香
並芷練宜題字潤逾藤鄉心易達波中鯉廳事常

沾壁上蠅好待散人歸甫里看雲蒼嶺約同登
雨後訪玉舟弟於西曲書舍遂同遊故司馬

介公園

鳳城西去路柳外見幽居屋讓栽花地林藏載酒
車鳥馴常伺食僮慧亦知書不惜衝泥騎來尋杏
雨初

更思窮野興結伴到鄰園藤老蒲萄卧碑高巖巖
蹲春還憐院靜人往憶官尊爛熳花千樹偏能向
客繁

五月五日金叔固招飲寓齋時有禾城諸子

同集

七來青綺逢重午此日身如已在吳珍席肴登多
鶴市絲毫客至半鴛湖離家喜見歸梁燕閱歲難
忘泛酒蒲只有東華門外路辟塵無處覓丹符

夏日同陳健夫吳赤霞預訂黃山之遊分韻
得支字

將探三十六峰奇天外佳遊訂酒卮猿鶴於人如
有待烟霞是處足相思金輿丹鼎曾留地布襪青
鞋欲往時須記今朝同此約薰風燕子見題詩

題陳健夫榆村小隱圖

日車欲翻野馬走炎光熊羆多臆柳脚不能襪頭
不冠絺衣偏袒露兩肘有客來過陳健夫下馬示
我榆村圖忽訝林巒生几席旋疑冰雪侵肌膚健
夫自言身將隱小園地縮蓬壺近梧暝宜尋東郭
綦豆荒且學南山憚攜家遂入此圖中高吟日夕
聲摩空千首詩成百斛酒翠濤出沒珊瑚紅展圖
悔我歸未早緇塵赤日長安道笠澤東邊亦有村
風飄榆筴盈柴門

夏日過陳健夫西峰草堂舊題

幽棲雖近郭小築自離塵屋矮藏書富囊空念友

貧冰槃鮮簇果風銚嫩炊芹竟日淹留坐徐傾碧
釀新

草堂何所事野客每相逢硯質評枯潤茶香試淡
濃納涼因獨樹挹爽得遙峰無計求鄰並唯應屢
過從

夏夜雨後與陳健夫吳赤霞小飲友人寓齋
命家僮鶯郎度曲各賦七絕四首

白紵新涼雨後生隔簾纖細按歌聲乍疑春樹聞
嬌囀不負鶯兒是小名
龜年老太五侯家遺響猶傳到井花纖月正懸楊

柳外可無人與按紅牙
燕市重來覓酒徒不堪往事憶名都青琴歌曲青
衫淚併作燈前大小珠

一字遲聲進一卮輕炎消盡玉參差座中佳客風
流甚明日應教唱麗詞

題畫絕句八首

淺莎濃樹水灣環家在烟雲杳靄間野艇常如心
不繫一生贏得是真閑
畧約行通石路斜綠陰深處有人家懸流千尺明
於練分作清溪泛落花

水榭風亭樹色浮綺霞天外見飛樓長湖倚棹漁
歸晚幾點青山入釣舟

古木千章入夏清重新碧繞簷楹會心已到忘
言處坐聽山頭瀑布聲

霜冷前溪歇釣輪石梁風落水粼粼獨攜筇杖穿
雲去紅葉村中有故人

結構禪棲冠碧峰龍鱗歲老數株松綠毫仄徑誰
能到下界唯聞日暮鐘

參差礪石小成磯高樹迎涼衆葉稀鎮日茆堂人
獨坐晚天應候鶴來歸

小閣寒深翠幙垂亂雲黯淡雁飛遲靜中忽訝疎
林響正是山牕折竹時

月真禪師

叅盡三千貝葉文紺眉皓髮已繽紛拈花獨對庭
前石曳杖頻穿嶺上雲詩律細從禪律見世年清
與鶴年分塵生滄海須臾事笑看閑牕射隙曛

春日湖村雜咏十六首

有序

垂柳門閒鶯欲啼而識樹繞梅逕冷鶴將夢而
依花矧於人也能無情乎僕本畸人久爲狂客
甫釋陳冠之素始見二毛旣攬秦絃之朱旋辭

五斗於是險違僻谷恬返浮家願從老圃之師
擬作小園之賦對婦則方欣舉案呼兒則盡解
攤書歷壑經丘顏何慙於松菊列筵結軌情不
問於弟昆且也車馬無喧僻茲小築烟霞如繡
暢以芳辰因微悟於野泉適然點筆遂分吟於
谷鳥漫爾盈牋蓋拙則有餘宦誠難巧而言之
不足歌乃彌长假懷縣之閑居抒石湖之雜興
倘其月能共照或有聽於袁船否亦雲可自怡
未當復還之柳篔

十年遊萬里歸及故園春槐老將爲國松長已似

人琴尊吳市畔鮭菜越谿濱宛矣先賢在誰言里
未仁

板橋通在渚葦屋帶疎汀蠶忌看門彩農占說瓦
靈字浮蝌蚪黑錢散蘇苔青贏得東臯子新成未
耜經

獨樹家臨野真堪置老夫石供仇穴怪谷記柳州
愚量水栽菱母封泥接鼠姑社前新釀熟好鳥喚
提壺

楊柳門雙扇蒹葭水一方蜺肥開獮殼蔗冷落甘
霜林旭搖衣桁湖烟灑笛床此身安便好何況是

吾鄉

清晝憐初永幽期亦屢逢吟蜂含律意鬪蟻列軍
容入寺嘗新茗行田見遠峰韶華驚晚晚未敢任
疎慵

順令輸租急迎暄御袂輕俗勤多緯婦土狹少塵
氓絮暖風無力蟾涼月有情續兒文選讀差勝與
金籬

霽巷烟爭出芳菲一徑斜團光牆倚竹倒影岸垂
花按法修秧馬分功課紡車時時朋好過水檻繫
浮槎

興來徐步屨隨意向川原莎軟羝行健芹香燕語
繁桔槔人岸岸笇簪事村村夾路桃相引何須更
覓源

攜柑南陌去斲筓北垞歸逕或迷蒼耳賓唯到白
衣藏名全癖性守道遠危機歎息仙舟侶年來已
漸稀

自訝支離叟猶存拓落官香畱雕鳳篆藥待嘯鶯
丸俗物關心少長天放眼寬卑貧寧足計柳下亦
能安

無端羣動理幻化自東君飄忽蕭零露更番岫出
雲書驢詞漫浪訟鹿夢紛紜坐閱人間世閃臆易
夕曛

行當知命歲正與拙相宐點筆松陵集張帆笠澤
祠酒巾從滲漉醬甕每提攜別具經綸業薰風理
釣絲

稍定萍蓬跡仍多水竹緣漁眠篷背雨牧唱隴頭
烟幽土風須繪齊民術好傳菜畦生薺早知已兆
豐年

萬點紅飛盡青林遠色浮巾車宐下澤弓地得中
丘勇豈忘蛙式廉曾與鶴謀雖無民社責擬築稻

孫樓

何必非人境幽偏有舊廬短垣鄰叟話長席塾童
書椽落柔桑後苗分稚菊初從茲師汜勝直欲問
華胥

憶昔清狂日於今意半消道存三徑拙心入五湖
遙燈火腰祠祝壺觴禊飲招仰天憑耳熱擊缶發
長謔

丙子重五留飲吳興韓子蘧書齋是時子蘧
有詩兼之選四令子俱在坐因成二律即贈
駿馬豐貂事惘然小韓夫子憶當年風流楊柳存

耆舊文采珊瑚寄簡編遺澤尚傳藜火閣遠遊曾
泛錦江船只今絲髻垂垂白屈首蠅書九萬牋
高館炎消白紵輕蕭閒果合住孤城牙籤雲集千
秋業玉樹風臨四座英浮盞酒分榴火艷拂簾香
落燕衣清重來應識幽棲處只此宮能繼水晶

丙子初秋莊谿吳子聖玉歸自遼左一別三
十五年相見之頃悲喜交懷

丁年少小失庭闈青海飄零事事非萬里忽傳天
外詔一身如向夢中歸殊音不入羈人操故國猶
存義士薇悽絕武林杯土在為君西望淚沾衣

表弟錢宛朱過訪以長篇見贈卽次原韻和
答并述近懷

日月西奔駭獨颿秋聲颯沓到楓杉計年欲製過
肩杖屨跡初裁缺髀衫豈擬衰顏能久駐尚餘傲
骨未全芟悲邀汾水才人詠憤待漁陽處士摻薄
宦當時雲偶出微名何地石堪劖梁園雪憶瓊臺
迴華井蓮看翠壁嵌荏苒十年忘政拙漸濡兩邑
用民誠致君寧藉蕭何律答客頻酬杜甫函風採
白顛音是缶歌翻烏角曲爲鹽黜將焉往應捐珮
逝亦從茲遂挂帆處處德慚馴雉誦時時心懼點

蠅讒負暄早却青油幕劓藥多憑白柄鏡原與烟
霞稱故舊敢思冕紱被塵凡遇人莫訝腸如轂陟
世真宐口若緘逢徑幸來裘與仲竹林喜見籍將
咸清疑乍聽湘靈鼓狂肯猶教衛史監藻采續紛
迎絳節丰神縹緲望蒼巖文當知己論逾細學未
成家語盡誦蝕字願隨芸室蠹漉巾仍署釀王銜
無須更覓紅妝妓笑倩花枝帶醉攬

題錢泊庵桃源故址

錦衣玉節昔英雄柳閣烟消杏院空何似王孫遺
圃在漁人猶認一蹊紅

悼孫

千里還家髻有絲庭蘭差幸茁孫枝豈知小閣含
飴地忽見幽燈瘞玉時入夢尚期來謝客返生誰
爲起崔兒犀錢繡襪頻經眼難禁西風老淚垂

秋日過玉峰遊覽遂園有感

蘭堂桂館曲池流坐對秋山感昔遊繡尾翻波魚
藻密清吭警露鶴苔幽高門復見新冠冕遺老唯
存舊侶儔莫怪羊曇重惆悵南州今日是西州

盧阜上人精舍看菊

丹楓墜冷照衰顏秋在蟲音鶴夢間湖上晚峰遙

入座未輸元亮見南山

半榻茶香齋後磬一簾苔影定中燈籬英秭合歸
禪室爲有霜容澹似僧

徐內翰虹亭招飲松風書屋次日賦贈

久交德在恆大隱心自逸似茲良獨難要亦本學
術太史天上麟早握螭頭筆揮灑玉署雲翔揚花
磚日終乏逢世巧遂乃謝華秩余亦迂疎人柳下
旋見黜歸田訪耆英結會赴真率一別驚十載相
視意轉密佳茗小閣陳豐膳中厨出細鱗烹江鱸
香霧剝山橘跌宕杯酒間豪氣何洋溢松聲生暮

寒觴政始獲畢搖艇向北郭頽然返蓬室衰顏帶
餘醺清燈耿殘帙乍起麴蘖謀益成烟霞疾呼兒
了家事速釀今年秫

除夕前一日徐太史再招飲松風書屋與同
集諸公分賦

華堂詩興動芳梅歲宴猶教綺席開門靜似忘春
欲到僮閒偏喜客頻來枯碁一局催新壘良醞三
升發舊醅英絕座中推季重禔毫能接鳳池才

贈竹庄生

昔年卜築江之濱手植琅玕翠盈圃雷聲一夕起

龍孫短牆乍見新林補天教落實昇清貧春深佳
事尤堪數繡皮雅稱製爲冠玉版偏宜炊作脯茗
綠櫻紅燕語多故人疑至風敲戶那知芳草誤遊
踪幾回輕踏長安土猗猗千畝擁蒼烟看徧閨門
誰是主塵埃忽遇竹庄生竹庄獨行亦踽踽彷彿
篔簹前畫師綵毫空學鸞凰舞何如結侶賦歸來
荒徑重開舊茅宇置酒林間待步兵攜詩溪上尋
巢父更請君爲寒碧圖疎簾長挂瀟湘雨

臨野堂詩集卷十二終

臨野堂詩集卷十三

吳江鈕 琇玉樵著

荔夢編

南安道中

郵籤已報南安近路入山溪却更遐灘響乍高泉
觸石峯形頻轉岸圍沙雲中一徑通耕犢樹裏雙
扉出酒家晚愛蓬牕涼月白不須重向洞庭賒

題清江禪院和壁間韻

弭楫尋幽過竹院晚來雨色重淒迷江臨斷岸雙
流險閣倚危闌萬象低衰歲不堪追野馬微名猶

自問醢鷄茶烟禪榻匆匆別惆悵征篷又向西
余長子昭字威輦幼同食貧長從遊宦好學
勤家惟日不足已躋明經之列忽凋強仕之
年奄然病瘵與婦偕亾其臨歿也呼彼三雛
付之兩弟自言天限難留老親無以爲念遂
爾永逝嗚呼能無痛乎因成哭昭十絕

頭白雙親棄我時半生已抱蓼莪悲那知此日身
垂老灑淚猶題哭子詩
塵甌常封夕照餘當年生計竟何如可憐索飯門
東候汝尚含悽課晚書

千里長安五日回服勞能令客愁開只今日斷天
涯路誰復衝塵疋馬來

清臚隆準玉爲顏杳入重泉竟不還願頰哆嚙誰
氏子偏多壽者在人間

風雨蕭蕭上客舟暫離憐汝淚盈眸歸來忽爾成
長別止隔楓江歲一周

長爲家督十經年祀事常看禮秩然不道一杯羹
未冷汝今亦到夜臺前

弟兄早歲露文鋒攻苦書牕燭影重一自芝亾聞
蕙歎常疑夜語尚喁喁

青丘佳句錄成編小字如蠅絕可憐疎雨亂山孤
閣裏一回披讀一悽然

雛孫總角兩依依忍愛違慈竟永歸痛絕彌留猶
坐起囑將細弱付親闈

是處立庭腸宛轉幾回伏枕涕潺湲傷心萬事無
過此莫訝愁多庾子山

張彩舒至署以四律留別卽用原韻酬之

風塵况味老能諳半百年過仕已三心抱冰寒寧
待熱境茹荼苦漸成甘訟庭苔滿榕陰覆卧閣花
疎雀語參喜見故人天外至尚餘詩興酒同酣

南山朝爽入晴樓芳草薰風記舊遊每遇琴尊留
野寺亦從車馬到林丘寒江楓落人千里高嶽蓮
開雁九秋今日乍逢仍異地可知難釋是離憂

交道千秋賴轉旋一生心事託哀絃猗蘭白雪幽
人操駿馬黃金俠士緣身免仍留稽散藝家亾始
信孔融賢請君常識焦桐意莫更狂呼擊缶天

故人踪跡寄浮家汗漫來遊道里賒楚國秋風吟
蟋蟀吳天春水遡蒹葭割雲已貯端州石剗竹將
謀粵海槎惜別不堪當歲晚夜牕應見發梅花

題顧漢醇小像

我鄉耆德舊曾聞今到炎州始識君六驥隙看簾
外日雙桃枝引杖頭雲養生自著殊方論祛倦還
成晚歲文開卷試將形問影松風謾謾水云云

羊城禪寺得讀梁太史藥亭十九秋詩有贈

并寄陳元孝

炎海涼生夕院燈新吟傳自石堂僧尊江幾欲歸
張翰蘿月偏宜賦杜陵人事入秋增感慨客懷垂
老失飛騰調高從古推南國不獨陽春和未能

和陳元孝十放詩

放雲

偶與閒心會開囊散曉巒英英垂峽淡淄淄度江
寒飄練成三素圍輪起七蟠天涯諸弟隔終日倚
欄看

放驢

奇畜來從衛風塵任所如險辭雲棧後清憶雪橋
初已逐巾箱化還將鈿轡除尚聞聲歐歐鳴向故
人居

放鶴

養得青田種心隨萬里雲軒墀非所慕壺嶠豈無
羣遙影橫江見高吭應谷聞梅花開繞屋曾與共

清芬

放鷹

夙有飛揚志凌霜始下韉
依人惟玉帳伏物在金
眸豈合籠中置終當塞外遊
鸞臬宐早辨莫負此
清秋

放牛

梓樹文初就桃林事已稀
星轅晨飯出風鐸晚車
歸山水聞長笛英雄見短衣
何如隨細草野外卧
斜暉

放螢

明滅涼秋夜輝輝熠燿光
風微飄扇底雨冷墜簾
傍若箇徵盈斛誰能拾滿囊
千秋亡國恨幾點照
頽牆

放蝶

娟娟鳳凰子生態本如仙
忽逐衣香散遙疑樹絲
懸燈前高士枕花下美人鈿
歸去羅浮好薰風小
洞天

放猿

野賓宜在野慰爾入林思
性懶疎談劍年衰厭報
時舊環甯碧玉新縷落紅絲
他日巴西夢應惟澗

臨野堂集
卷十三
壑知

放鴨

鬪闌曾設處舊是散人家只與鶩頻數無須柵更
加交眠依曲渚追戲起圓沙尚有江湖伴孤飛趁
落霞

放魚

頰尾勞猶恤寧教涸轍窮桃花三月水蘋葉五湖
風樂寄垂綸外恩行斷罟中迢遙鄉國路憑藉尺
書通

潘太史稼堂來遊羊城屢以書約過署久之

不至因讀去年見贈之詩次韻寄意

平生愛竹素稽古廣聽視漆園受微祿尼山安委
吏心有一命恭資無九品例不惜居卑貧寧解冀
榮貴後來梅葛徒俱得聖賢意矧余蘆中人逢時
本拙滯干主徒敝裘謁客每漫刺中歲始得官坎
壟非一事遊梁復入秦終以樗散置徘徊嵩華間
行軒夾蒼翠山色滿歸裝所獲良獨異懸章破在
腰逡巡閱三仕今茲來粵東仍宰彈丸地林花氣
馥郁谷鳥音颯厲公餘卧閣閱陳編未忍棄伏讀
政五美首及因民利振疲由法砭援溺須道濟非

止戒在得遂足云充位我友玉署仙遐思出塵翳
久作龍門遊遠尋彭澤醉何時共秋尊高談豁炎
癘續賦歸去辭從決小隱計烹鱸擷蓴絲優游以
忘世三復知止言旨哉有深味

題潘稼堂楚粵遊草

舊是金閨老歲星鴻篇秀帙滿南溟風霜入字龍
門史山水成圖酈氏經曉榻清鐘僧纒白夜帆疎
雨客燈青羅浮載得春盈斛未許人間問獨醒

題畫瞽者

出門咫尺卽間關危似臨淵險陟山藜杖一枝常

在手不愁無路到人寰

夏日稼堂從閩中以詩見寄并索和言再疊

前韻奉答

山閣面羣峯日夕寄高視政簡物自閒聊足安隱
吏蒔卉開舊畦課吟立新例心求止水清日屏浮
雲貴望遠恒獨勞渺渺懷鄉意半載斷郵筒音書
苦畱滯欣逢故人來屢獲奉簡刺寄有楚粵編論
人兼紀事江山字裏生衮鉞行間置雄如掣海鯨
妍若戲茗翠更示球狂語裁僞而攻異憶余捧檄
初君已登華仕倡奏龍池篇抗論藜閣地今雖身

退閒意氣猶踔厲顧念束髮交白首不遐棄詞寓
琢王嚴情踰斷金利自別五羊城珠江各分濟悵
望挂席行流連班荆位千里羨鴻鸞一枝歎蟬翳
常思泛石頭相逐錦袍醉三江就菰蘆五嶺辭瘴
癘所貴知幾明寧待再決計忽傳青鳥音遙墜人
間世且復噉離支用誌炎方味

贈鄭子源

薈叢風流遠莫追尙於名裔見生知書搜奧錄金
兼石筆繞靈文鳳與芝旅跡逶迤逢薄俗壯懷瀟
灑送清時粵遊自詡行裝富採得丹符在竹枝

恭玉弟過訪粵署以詩見貽依韻和答并寄
雲奏弟

瓢鉢蕭然得得來溪山佳處一登臺門求六祖炎
塵息路出雙江瘴霧開人到正逢籬畔菊書回仍
托嶺頭梅天涯幾點離羣雁無限相思未易裁

寄顧爾立

回首楓江憶舊棲此生踪跡總鴻泥官畱異地飄
蓬遠學過中年落日低卑服久宜荷芰製畏途頻
感鷓鴣啼扁舟好約成歸計千尺虹橋手共携

次尙棉邨韻

萍跡無端滯一方世緣物態兩茫茫老逢殘歲驚
新歲久任殊鄉憶故鄉榕樹葉當春漸減潮雞聲
與夜俱長若非東閣來吟客空負官梅嶺外香

甲申穀日同姚竹友錢宛朱遊西樵山馬文
濤昆季畱飲信宿卽席賦贈

千尺危峯帶夕陽碧雲深處隱華堂名山有約來
雙屐賢主相逢得五常慧鳥窺人如解語好花迎
歲已生香自知小戶雖慳飲興發當筵罄一觴

題尙棉邨行樂圖

五色雕章付雪兒暫從泉石展幽期手中桃竹爲

龍去霖雨蒼生自有時

食德祠

螭首蟠雲處處碑仰看若個起人思千秋片石堪
垂淚食德祠中一女師

根青閣

依山老樹碧成帷鳥語盈簷睡起時徧倚曲闌頻
得句雨聲月色總相宜

看雲軒

天半浮雲境本空坐看舒卷態何窮南山一帶橫
如案常得青青在眼中

賦兼清粉青油中 男 鶴升霄客校

大半皆雲與本空坐香格欲繪所讓南山一帶餘

各處碑

於此... 宜

刻... 曲... 賦

清... 碑

中... 碑

人思于... 賦



